



Adroddiad Swyddogion Cyngor 29/01/2018

Emma - Swyddog Materion Academaidd

Mae Emma wedi cyhoeddi ein siarter cyflogaeth ôl-raddedig newydd ac mae'n gweithio gyda'r Is-Ganghellor ar gyflog tecach i athrawon ôl-raddedig, yn ogystal â hyfforddiant mwy cynhwysfawr a chyson ar draws yr holl adrannau. Mae hi'n gweithio gydag UCM Cymru ar gynhadledd fawr ar gyfer Cynrychiolwyr Academaidd sy'n cael ei chynnal yn Aberystwyth ym mis Chwefror, yn ogystal â chynllunio Cynhadledd yr Ôl-raddedigion a Gwobrau Addysgu dan Arweiniad Myfyrwyr sy'n digwydd yn ddiweddarach y semester hwn. Mae hi wedi cwrdd â'n holl Gynrychiolwyr Athrofa i drafod eu semester cyntaf ac mae'n edrych ar sut gellir datblygu hyn yn yr ail semester.

Cyflwynodd ddogfen ar ran yr UM ar y newidiadau i God Ansawdd y DU, sy'n arolygu sut mae prifysgolion yn rhedeg eu cyrsiau a'u systemau cefnogaeth, er mwyn sicrhau eich bod yn cael addysg o'r un ansawdd ag unrhyw fyfyrwr prifysgol arall ar draws y wlad. Mae hi wedi bod yn gweithio'n glòs â'r Swyddfa Ansawdd Academaidd a Chofnodion ar hyn, ac rydym wedi cyflwyno llawer o adborth i sicrhau bod y polisi hwn yn gweithio er budd myfyrwyr. Yn dilyn nifer o gamgymeriadau a wnaed gydag arholiadau dros gyfnod arholiadau mis Ionawr, mae hi wedi dechrau gweithio'n glòs â'r Brifysgol i gynnal archwiliad o'r ffordd y caiff papurau arholiad eu hargraffu a'u prawf-ddarllen, gan sicrhau bod myfyrwyr yn cael eu trin yn deg os digwydd unrhyw gamgymeriadau. Dwi hefyd yn gweithio ar arholiadau cefn-wrth-gefn gyda'r swyddfa amserlennu.

Jessica - Swyddog Cyfleoedd

Ar hyn o bryd mae'n gweithio'n galed i baratoi ar gyfer semester prysur yn llawn cyfleoedd i fyfyrwyr, gan ddechrau gydag Ail Ffeiriau'r Glas er mwyn i glybiau chwaraeon a chymdeithasau hyrwyddo eu hunain a recriwtio aelodau newydd ar gyfer yr ail semester. Mae hi hefyd yn helpu i baratoi hyd yn oed mwy o gyfleoedd ar gyfer Wythnos Gwirfoddoli (19 - 23 Chwefror) gan roi cyfle i fyfyrwyr ennill profiad mewn amrywiaeth o weithgareddau drwy fod yn Wirfoddolwyr. Ac yn olaf - efallai'r digwyddiad mwyaf yng Nghalendr Myfyrwyr Aberystwyth - *Superteams*; Mae Jess yn gweithio'n ddiflino i wneud digwyddiad eleni yn fwy ac yn well nag erioed!



Molly – Swyddog Llesiant

Ar 9 Chwefror, mae hi'n cynnal ac yn perfformio ochr-yn-ochr â myfyrwyr a'n Prif Weithredwr, Trish yn y *Vagina Monologues*; mae tocynnau ar gael ar-lein nawr - mynnwch nhw cyn iddyn nhw fynd! Mae hi newydd drefnu a chynnal diwrnod Cŵn bach llwyddiannus iawn, er mwyn i fyfyrwyr sy'n teimlo straen gael cyfle i anwesu cŵn bach, yn ogystal â chodi ymwybyddiaeth am Gŵn Tywys ar ran Ymddiriedolaeth Cŵn . Cynhaliodd ddigwyddiad panel llwyddiannus iawn ar drais yn erbyn menywod yn ystod y semester cyntaf, gyda lluo o siaradwyr fel Rhian Bowen Davies, Cyn Gynghorydd Cenedlaethol dros Drais yn Erbyn Menywod; Ruth Fowler, Swyddog Cydraddoldeb Prifysgol Aber' Jo Hopkins, Swyddfa Gartref (Cymru); Siân Kirk, Ymchwiliad Annibynnol i Gam-drin Plant yn Rhywiol; a Gwyneth Sweatman, Swyddog Menywod UCM Cymru; roedd y digwyddiad yn llwyddiannus iawn gyda llawer o adborth cadarnhaol.

"Ar ôl llawer o fisoedd o weithio yn ôl ac ymlaen gyda'r Brifysgol, mae myfyrwyr bellach yn gallu newid eu rhywedd ar eu cofnod myfyrwyr a phryd y maent yn gwneud cais am le yn y Brifysgol. Ar y dudalen golygu a manylion personol, mae 'RHYW' nawr yn rhoi'r opsiwn i chi newid i wryw, benyw neu arall. Mae hwn yn gam enfawr i'r cyfeiriad cywir a dwi mor falch o'r gwaith a wnaed, nid yn unig gen i a'r rheiny ar y gweithgor Traws, ond hefyd gan ein rhagflaenwyr, felly go dda chi bawb am weithio'n galed i wneud hyn yn realiti. Dwi'n bownsio yn fy sedd wrth ysgrifennu hwn, gan fy mod i'n gwybod y bydd hyn yn gwneud cymaint o wahaniaeth i gymaint o fyfyrwyr. Diolch i chi, Brifysgol Aberystwyth. Diolch!"

Gwion – Swyddog Diwylliant Cymreig a Llywydd UMCA

Pantycelyn - llwyddon ni i argyhoeddi cyngor y Brifysgol i ddefnyddio cyllid craidd ar gyfer y prosiect i sicrhau bod Panty yn cael ei ailagor erbyn mis Medi 2019. Mae hon yn fuddugoliaeth enfawr i fyfyrwyr Cymraeg i weld y neuadd breswyl enwog hon unwaith eto ar y trywydd iawn i gael ei hailagor erbyn 2019.

Rhyng-gol! Croesawyd 600 o fyfyrwyr o Fangor, Caerdydd, Caerfyrddin, Abertawe a Lerpwl! Cynhaliwyd gig yma ar y nos Sadwrn, gydag amrywiaeth o fandiau Cymraeg yn perfformio. Mae wedi cychwyn ei ymgyrch i hyrwyddo Cerddoriaeth Gymraeg, ac mae wedi creu rhestr chwarae Spotify, fel y bydd cân Gymraeg newydd yn cael ei hysbysebu bob wythnos trwy UMCA, er mwyn codi proffil y Gymraeg i fyfyrwyr Aber. Mae gan UMCA hefyd ei ffair y glas ei hun trwy gyfrwng y Gymraeg, felly os ydych chi'n dymuno cyfranogi mwy yn Niwylliant Cymru, mae croeso i chi fynychu.

Os ydych am wybod mwy am bob swyddog unigol, mae'r parthau nesaf ar 5, 6, 7, ac 8 Chwefror. Noder bod y Parth Chwaraeon a Chymdeithasau wedi symud i ddydd Iau, gan fod llawer o glybiau yn cynnal eu sesiynau ymarfer ar nos Lun; mae'r Parth Cymraeg bellach ar ddydd Llun.



Bruce – Swyddog Datblygu'r Undeb

Nawr, dyma'r diweddaraf gen i:

Gyda'r cynnydd a wnaed gan y Brifysgol ar y Cynllun Gweithredu Cynaliadwyedd, dwi wedi bod yn trafod y cynnydd hwn gyda'r adrannau mae'r camau hyn yn effeithio arnynt. Yn bennaf gyda myfyrwyr Astudiaethau Theatr, Ffilm a Theledu yn ystod y semester cyntaf, ac yn fwy diweddar gyda Myfyrwyr Hanes a Hanes Cymru, gan sicrhau bod Pwyllgor Gwaith y Brifysgol yn clywed eich llais a'ch pryderon yn ystod y cyfnod anodd hwn i'r Brifysgol.

Sefydlu'r grŵp glas-fyfyrwyr swyddogol cyntaf ar Facebook i arbed myfyrwyr rhag cael eu twyllo i brynu tocynnau ffug ar-lein cyn iddynt hyd yn oed ddechrau yma yn Aber. Dwi hefyd yn bwriadu parhau â hyn yn yr ail semester, ac yn ystod y blynyddoedd nesaf er mwyn sicrhau na chaiff myfyrwyr Aber yn y dyfodol eu camarwain gan grwpiau anghyfreithlon ar-lein.

Cyfarfodydd gyda'r Is-Ganghellor am lawer o bynciau gwahanol, gan geisio cyflwyno'r trosolwg gorau o'r hyn y mae myfyrwyr ei eisiau yn Aberystwyth. O fewn fy rôl, rwy'n gwneud fy ngorau i sicrhau bod ein corff myfyriwr yn cael ei glywed ar y lefel uchaf o bwyllgorau gwaith y Brifysgol.

Cefais y pleser o gwrrd â Llysgenhadaeth yr Wcrâin i goffáu ac anrhydeddu trasiedi Holodomor.

Ymweliad gan UCM Cymru - daeth Gwyneth Sweatman a Steve Coole draw i'n darparu â'r wybodaeth ddiweddaraf, oedd yn ddefnyddiol o ran gweld beth mae UCMC yn ei wneud i ni.

Hoffwn nodi fy niolch i Syr Emyr - yr Hen Ganghellor a Chadeirydd Cyngor y Brifysgol am fod yn wych yn ystod ei gyfnod yn y rôl, bydd yr Undeb yn gweld colled fawr ar ei ôl.

Mae mwy o Fwrsariaethau Chwaraeon ar gael, a dylent nawr fod yn hygyrch i fwy o fyfyrwyr ar gyfer y flwyddyn academaidd nesaf; dim ond aros am gadarnhad o ran pwy all wneud cais amdanynt, bellach nid dim ond yr ymgeiswyr .

Os oes unrhyw beth arall yr hoffech ei wybod gen i, neu unrhyw beth rydych am i mi fwrw golwg arno, mae croeso i chi gysylltu â fi ar sudevelopment@aber.ac.uk